

Alþingi
Erindi nr. Þ 137 / 123
komudagur 9.6.2009



Alþingi
Umhverfisnefnd Alþingis
Kirkjustræti
150 Reykjavík

Austurvegur 64 800 Selfoss
Sími: 530 4800 - Fax: 530 4801
mast@mast.is www.mast.is

Selfoss, 8. júní 2009
Tilvísun: Mast09050167/20.3

Efni: Um breytingu á lögum nr. 18/1996 um erfðabreyttar lífverur / Þskj. 2 - 2. mál.

Vísað er til erindis dags. 27. maí 2009 vegna frumvarps til breytingu á lögum nr. 18/1996, um erfðabreyttar lífverur.

Matvælastofnun vill með umsögn þessari koma eftirfarandi á framfæri. Með frumvarpinu er verið að innleiða tilskipun Evrópuþingsins og ráðsins nr. 2001/18/EB, en tilskipunin varð hluti af samningnum um Evrópska efnahagssvæðið með ákvörðun sameiginlegu EES-nefndarinnar þann 28. september 2007, sjá ákvörðun nr. 127/2007. Tilskipunin fjallar um sleppingu og dreifingu erfðabreyttra lífvera út í umhverfið, en hún nær hins vegar ekki til erfðabreyttra lífvera sem notaðar eru sem matvæli eða fóður, matvæla og fóðurs sem innihalda erfðabreyttar lífverur, og matvæli sem unnin eru úr, eða innhalda efni sem unnin eru úr erfðabreyttum lífverum. Um slík matvæli og fóður gilda ákvæði reglugerðar Evrópusambandsins nr. 1829/2003 (on genetically modified food and feed). Sú reglugerð er nú til umfjöllunar hjá EFTA-rikinum og bíður þess að vera tekin upp í samninginn um Evrópska efnahagssvæðið.

Samkvæmt 11. gr. reglugerðar nr. 177/2007 um stjórnarráð Íslands fer sjávarútvegs- og landbúnaðarráðuneytið með mál er varða matvæli, matvælaeftirlit og matvælarannsóknir og annast Matvælastofnun og heilbrigðiseftirlit sveitarfélaganna eftirlit og stjórnsýslu á þessu sviði. Umhverfisstofnun fer hinsvegar undir yfirstjórn Umhverfissráðuneytisins, með eftirlit og stjórnsýslu með náttúruvernd, vernd vistkerfa og líffræðilegra fjölbreytni og erfðaauðlinda, auk annarrar umhverfissvöktunar. Matvælastofnun telur því afar mikilvægt að gildissvið frumvarpsins sem ætlað er að ná til innleiðingar á tilskipun 2001/18 um sleppingar og dreifingar á erfðabreyttum lífverum verði ekki víðtækara en efni standa til og að matvæli og fóður verði undanskilin ákvæðum þess.


Reglugerð Evrópusambandsins nr. 1829/2003 er byggð á matvælalöggjöf Evrópusambandsins og í henni er að finna ákvæði um markaðssetningu, merkingar og öryggi erfðabreyttra matvæla og fóðurs sem fylgja munu íslensku matvælalöggjöfinni, og mun reglugerð nr. 1829/2003 verða innleidd með stoð í matvælalögnum nr. 95/1993. Með því mun yfirstjórn með málefnum erfðabreyttra matvæla og fóðurs vera í höndum sjávarútvegs- og landbúnaðarráðuneytisins og

eftirlit og almenn stjórnsýsla í höndum undirstofnanna þess.

Af þessum sökum leggur Matvælastofnun til að greinargóð skil verði gerð á milli erfðabreyttra lífvera og erfðabreyttra matvæla og fódurs, með þeim hætti að ákvæði 3. mgr. 2. gr. laga nr. 18/1996 verði svohljóðandi:

“Lög þessi gilda ekki um erfðabreytt matvæli, erfðabreytt fóður og um afurðir erfðabreyttra lífvera.”

F.h. Matvælastofnunar,



Viktor S. Pálsson,
forstöðumaður stjórnsýslusviðs.